

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XXII. DECEMBRIS.

M. IOANNE GARBE, Doctore Medico, Moderatore.

An Diuites tutius & citius à morbis semper curentur?

1124.

DIVITES in sanitatis detrimentum non raro properant; Quamto eorum mollities major, tanto illis vita fragilior. Ferè semper in otio degunt. In lecto mollior decumbunt. Degustant vina generosa, delicatiorisque cibos. Cum liquida non placent, assa ut succulentiora proponuntur. Mutantur quotidie fercula, Placet miscere assa elixis, aues piscibus, olera carnibus; fructus aciduli, dulces, apponuntur. Appetitus irritatur falsis, acidis, piperatis condituris: Mille lenocinijs adulteratur appetentia, venenis nonnunquam voluptarijs, quorum maleficium occultat coquus ventris adulator, malumque per se appariturum velut datà operà excusare nititur, ut quodam artis suæ mendacio ipsos fallat incautos. Ea sola sunt optima, quæ palato grata & jucunda non necessitari sed voluptati seruiunt, quorum usus ferè semper abusus est. Ex quibus Natura quæ paucis contenta, grauatur, corpus excrementis omnis generis repletur, tandemque ex plethorâ & cachochymia crebri sunt dolorum morbus & innumeri fobolescunt morbi.

CIBI potiusque vitia gignendis morbis materiam suggerere demonstrant qui abstinentia sanantur. Febris ipsa quæ sæpius post ingluuiem incipit causam suam agnoscere videtur. Ab alimentorum copia aut vitiosa qualitate, humorum prouentum facit jecur, qui dum perenni generatione supra iustam & naturæ congruentem mensuram sensim cumulantur & crescunt, morbos pariunt, qui non vnicâ ratione creant perniciem: hinc Cardialgia, Anorexia, Epilepsia, Epilepsia, Apoplexia, Arthritides. Alias molliora vasa ut quæ sunt circa hepar, thoracem & pulmonem plurimo sanguine turgida nimiumque distenta dehiscunt aut abrumpuntur: Nonnunquam verò & repente exurgunt graues illi affectus quos efficit frequens tunc temporis venarum *arteriarum* & earum perspiratione impedita suboriuntur febres putridæ, ardentes, synochi. At sæpius humores quando turgent ergastulis contineri non possunt, sed quoquoersum impulsus foras exiliunt; unde Hæmorrhagie, Hæmorrhoides, emissiones, vomitiones aut expuitiones cruentæ: Aut impetu in partem aliquam irruunt, Unde Angina, Pleuritides, Peripneumonia; & eò citius, si labor viscera concutiat, eorum graues contingunt inflammationes.

OMNIBVS illis affectibus tutò & citò curandis non conuenit vna eademque medicina. Nunc vacuandum, reuellendum, aut deriuandum seu quâlibet ratione medicandum: Nunc minuendæ cibis vires, mutanda modò mala temperies; exhaustiendæ venæ, expurganda illuuiæ, feritas demulcenda, viscerum nitor & integritas promouenda. Quæ omnia præcipuè absoluantur idoneâ viuendi ratione, venæ sectione, & purgatione, in quibus omnis salus, cum communes morborum causas, plethoram & cachochymiam, exhauriant. Morbi qui diatâ non sanantur, remedijs debent curari. Plethora quò se prodit manifestius, eò periculi plus inesse denunciat, & deplendorum vasorum maiorem indicat necessitatem. Lucet tunc festinata atque audax medici non *diutius* prudentia. In diem dilatio plerique mors est, cum vbique & semper tenenda sit curandi lex per contraria. Venæ-sectionis modus vicibus non est definiendus, sed vsu, qui magnitudine morbi, & virium robore terminatur. Sanguinem satius est per vices quàm vno ductu ad *arterias* fundere. Omnis eam fert ætas, temperamentum, regio, tempestas, & ipsa quæ gestant vero mulieres. Nullus ferè est affectus cui non sit proficua, Acutorum singulare est auxilium. Cum humores in furias aguntur, cum omnia intus permiscant, conturbant & fœdant: cum æstant viscera & flammam accipiunt, phlebotomia omisit semper penituit: apertis enim *superficibus* infernarumque partium venis frænatur humorum orgasmus, æstus viscerum temperatur, repressâ putredine aueritur partium inflammatio: omnia subducto morbi à plethorâ pabulo reperiunt, & leuata oneris parte natura superstitem sæpius humorem perspiratione resoluit, aut in eiusdem pepasnum feliciter incumbit.

CACHOCHYMIÆ proprium accommodatumque remedium est purgatio, in quâ naturæ diuitiæ, quæ ad nitorem corporis nostri procurandum rebus innumeris virtutem imprefit *artificiis*. Purgantia medicamenta cuiuscunque sint virtutis incipientibus viscerum inflammationibus aut vigentibus, quòd turbas naturæ moueant, nunquam exhibenda, sed tantum declinantibus, tuncque molliora tantum sunt eligenda, quæ paribus malè affectis vtunque blandiantur. In diuturnis affectibus sæpè sæpius sunt propinanda, atque in acutorum declinatione inducto humorum pepasmo. Decernuntur autem benigna, mediocria, aut valida, pro virium modulo, materiæ benignitate aut contumacia, & loci in quo stabulantur conditione. Prudentis est medici graues morbos & contumaces qui nullo mitiore medicamento expurgari potuerunt, aliquo *spasmodico* cum ratione & diligenti *periculis* consideratione exhibito oppugnare. Colluuiæ enim humorum sæpe in locis remotioribus anfractuosisque recessibus ita est infixa, vt non nisi mochlicorum arietibus sit excutienda. Quid est igitur tunc consilij leuiorum medicamentorum repetitione multiplicitate frustra ægrum toties torquere, quem semel vno aut altero medicamento propinato possumus à morbo redimere?

OMNES eadem sorte sanitati non restituuntur. Qui sibi temperare non possunt vix ad salutem perducuntur, sed sponte ad exitium sese præcipitant. In grauioribus morbis promptius seruis succurritur: ipsi enim etiam inuiti facilius coguntur, quàm quibus est inutilis libertas. Diuites plerumque consilij medicorum non obsequuntur. Sæpe propter corporis molliorem arguè vitæ delicias quæ sunt necessaria recusant sibi administrari remedia. Diatram conuenientem, quia tenuem, difficulter obseruant. A venæ-sectione multoties repetitâ, quia cruentâ, velut à quâdam carnificinâ abhorrent. Purgantia medicamenta, quia ingrata, fastidiunt: Ideo ipsi quia sæpe curari nolunt, à morbis tutò semper non possunt sanari. Quidam vt ipsis diuitibus blandè adulentur, dampnant aut non consulunt quæ ipsis non placent remedia. Alia proponunt quibus temerè audent promittere salutem. Spontem quas non possident dotes, vana proferunt nomina & splendida mendacia. Syrupos exhibent, iulapia, roborantia, cardiaca, aut alia fucata morborum blandimenta; sicque litum, forum, perfusiones, cataplasmata *diutius* præscribunt ad dolorem viscerum demulcendum & ad morbum sanandum: hinc omittis generosis remedijs, non potest quin sit ipsis extrema perniciēs: Nam cum primis etiam morbi temporibus perfundant viscera oleo, vtantur laxantibus cataplasmatibus cucurbitulæ ritu corporis superuacanea trahentibus, phlegmone tandem in ipsis partibus eo tempore contrahitur, quo jam seruis & pauperibus morbus ad finem est perductus. *Συμβολή δὲ τῶν τοῦτον τῶν ἀνθρώπων μάλιστα τῶν πτωχῶν κακὸς διεκπεριέσται.*

Non ergo Diuites tutius & citius à morbis semper curantur.

DOMINI DOCTORES DISPVATVRI.

M. Carolus de Laual.
M. Dionysius Dodart.
M. Dionysius Puyton.

M. Ioannes Baptista de Reuellois.
M. Fabianus Perreau.
M. Edmundus Charrier.

M. Petrus Hommets.
M. Iacobus Renaut.
M. Nicolaus Langlois.



Proponebat Lutetiæ IACOBVS LE MENESTREL, Parisinus, A. R. S. H. M. DC. LXI.